




Kat. Komp.
14216

III Mag. St. Dc. P

Celejowicz Mathiae Pauli: Laurus Delphicus sinistro
sidere in feralem cupressum rectam.

PANEG. et VITAE
Polon. Fol.
N^o. 258



L A V R V S
D E L P H I C A,
Sinistro Sidere
IN FERALEM CVPRESSVM
V E R S A;

In dolendo funere

CLARISSIMI olim ET EXCELLENTISSIMI DOMINI,

D. M. MARTINI
FIDETOWICZ,

Philosophiæ Doctoris & Professoris, Collegæ
Minoris, Ordinarij Poëseos Professoris, S. R. M. Secretarij, &c.

Dum Suum Laureatum Caput,
crudeli Parcarum ferro prostratum

In Augusta Divæ ANNÆ Basilica, ad Sacrum Divinissimi PATRIARCHÆ

IOANNIS CANTII
MONUMENTVM, 1701
mœsto frequentissimorum Almæ Vniversitatis
Ordinum

& Hospitum dolore tumularetur,
dolentis & amicæ pennæ lacrymis

M. MATHIÆ PAVLI CELEIOWICZ,

*In Alma Vniversitate Studij Generalis Cracoviensis Philosophiæ Doctoris, in Colle-
gio Novoduosciano Dialectices Professoris, Cantubernij Sifniani Senioris,
Sacræ Regiæ Majestatis Secretarij.*

I R R I G A T A.

Anno Domini 1701. Die verò 6 Maij.



C R A C O V I A E.

J. XXII. 10. 6.

Typis NICOLAI ALEXANDRI SCHEDEL S. R. M. Ordinarij Typographi!

L A U R U S IN FERALEM CUPPRESSVM VERSA.

IMmensus Libitinæ sœvientis furor,
ita usq; obice nullo rebus in humanis perniciosus est;
ut, ad summum se se attollens,
ornatos hederis pallentibus, & virgine Lauro nitentes vertices prosternat.

Furit turbulentō gressu,
imò grassando illabitur in Sacras Scientiarum porticus;
et quò, vix sese tacito pede Heliconia Cohors interre confidit,
illa rapax, & animarum prædatrix nobilium, irruens;
quidquid in Orbis deliciū & stuporem fulgentior eduxit Phœbus,
profanat & prosternit.

Laxat spargitq; turgentes illas Laureis virentibus comas,
è quibus, solidæ fructus Sapientæ, dulce & ambrosium Divini nectaris modulamen,
& pullulare, & promanare queant.

Rem in plano linquit;
odium inter fata & Sapientes perpetuum esse.
Triumphantur illa & irorum immortalibus scriptis,
ipsa quoq; immortales Eos triumphant;

sed post suæ ibidinæ iræ, immortales efficiunt.

Dedere Theophrastis atq; Homeris iqualentes urnas,
ut ossa, non animas æternæ capaces immortalitatis astant.
Sophocli, Stagyritæ atq; Platoni, extremum immisere diem,
sed somno nisi sepultos, perenni memoriâ Superis æquârunt.
Intereunt, in quos, inter projectas curas, mors ræviæ invita impingit,
virunt perpetuam vitam, qui cum vita, laboris finem feceré.

Eum sibi certè virtutum prodroma Laurus
cælius collatum gloriatur honorem,
nec manu Parcarum frangi, aut profanari;
nec dejectis cœlo fulminibus concuti.

Vibrârunt immane robur, & crudelem torsere potentiam suam
in Te,

Clarissime olim, & Excellentissime Domine,
D. M. MARTINE FIDETOWICZ,

Philosophæ Doctor, & Professor, Collega Minor, &c.
ut, dum benigiores Zephyri genitricem arborum terram dulci afflatu excitando,
virentes comas relaxant,

Tibi istam eruditæ frontis gloriam rumperent, an raperent.
Sed Tu immanium livori portentorum in victimam & triste holocaustum mactari
indignum ratus,

illa in Vrbe, in qua sé Celsissimorum Craciados ANTISTITVM
Præsuleæ Vittæ ad primam aptant explicantq; lucem,
vitalem auspicatus auram;
contra vim acerbam fati, armari,
perenne vivere, nunquam mori, ass'vevisti.



Calcar Tibi benè merentium gloria & stimulus ad virtutem fuit.

Latens in juventa magni ingenij lumen in abdito recondere nolens,
in celsam Divi IAGELONIS Regiam tulisti;

ut olim lucida ingeniorum Pharos conspicere.

Ita certè: felites animas virtus à cunis exambit,
ut matūrum seris in annis fructum producant.

Insidet mascula pectora pusionum,

ut viri, Doctorales exedras insidentes, lumen gloriae inextinctum effundant.

Neq; in Tuo generoso pectore aliam invenerat stationem,
quam, quæ in augustum amplissimæ famæ triclinium, esset transitura.

Nimirum: ut tantùm fronte primam Lauream tulisti,
protinus, pro multis Divinissimorum Urbis Craciæ Patronorum Rostris, Tullius;
in strepentibus Philosophantium Exedris, Plato;
nobilissimæ Sarmatarum Indolis mansuetus Chiron,
ita Patrum Senatûs Academicî Conscriptorum oculos.

in Te, Tuamq; virtutem vertisti,
ut Nascentib^s Neo-Corczyni Musis nutrientis educandisq; fueris delegatus.

Nitentes equidem Phœbi radios celsior astris virtus Tua imitata,
una terræ parte luxisse non satis habuit,
ni remotius quoq; niteret.

Sed Te, angustijs illis, succrescens altior Laurus evocavit,
ut sudata anxios inter labores tempora revinxisset.

Redieras à novo Camœnarum climate, tam pallescens;
quam Luna nimbi prænuntia copiosi:

ut certius cuiq; in Te oculos vibranti constaret,

Te ad integros Lunæ circuitus voluminibus impalluisse.

Non sterile certè Scientiarum Caput Tuum, exambivit Laurus,
magnam utiq; proceritatem habitura.

Doctoralibus namq; Laureis insignitus, nil non Doctore dignum fecisti,
ingenioso calamo, & Cecropio cothurno.

tot virorum Illustrium dolentissima funera deplorando.

Neq; tantùm blanda Tua canna dolentibus maduit lacrymis,
sed heroicas quoq; Virorum laudes & immortalia facta
præconijs ad Superos tollens, dulce Musis texuit an miscuit otium.

Non ex vano:

Tripos Ille Sarmatiæ Aureus, & Oraculum Delphicum,
è cuius sinu, Sacra Themis, suam suspenderat Bilancem;
memorandus pro bono Patriæ Zelotes, verusq; Illius Defensor,
Illustris olim & Magnificus Dominus,

D. STANISLAVS in Mecina KRZESZ

Iudex Bevensis, Ensis Braslawiensis.

Magnatum Tuarum Virtutum Interpres & Censor,
ita Te unicè complexus erat;

ut geminum Illustris suæ Prosapiæ tenellum Germen,

Lucida Tyndaridæ signa, Expectatissima Sarmatiæ Lumina;

Magnificos: STANISLAVM ET FRANCISCVM

Professoralibus Tuis Vigilijs spectandos & dirigendos commiserit.

Si molestos prementesq; Tuos in Novodvorsciano Lycæo præteream labores,

Litavus Lechicusq; Orbis, & remotum Belgium,

Tuæ Germinibus Scientiæ,

Sago, Togā, Prudentiā & Consiliō conspicuis, profitebitur,
se se exantlatis Tuis laboribus hac singulari claritudine lētari.

Nempe: Tu ipse gradatim ad summum laborem ascendens,
Universos in summo locare desudabas.

Ita demum: tantarum congestu virtutum optabili,
Honores, quos aliena ambitio velut umbram p̄r se fugientem voto captabat inani,
Tu modesto de Te sensu contemnens, velut Tui sequacem umbram traxisti.

Namq; Vnus Ille inter Miracula, Plinios Tacitosq; post se habens,
Lechicæ Decus unicum Suadæ.

Perillustris & Reverendissimus Dominus,

D.M. MARTINVS WINKLER,

Lechicarum Gloria Athænarum æviterna;
ita in Tui incubuerat singularem amorem,
ut Regimini Tuo, suæ commissum curæ Contubernium Hierosolymitanum
concedendum ab Almæ Matris Ordinibus expetiverit,

Te expetitum imo pectore condiderit.

Eam Tibi obventuram sortem felicitatemq; certò constabat,
quia, Magnifici perillustris, & Reverendissimi Domini,

D. M. MATHIAE PSOIECKI,

S. Th. & V. I. Doctoris & Professoris, Ecclesiarum, Cathedralis Cracoviensis
Canonic, Collegiatarum, SS. Omnim Cracoviensis Praepositi, Opatoviensis
Decani, Curati in Orieck, Contubernij lagieloniani Provisoris S.R.M. S.
singulari benevolentia, & protectione Paterna gauderes.

Tantis Te stipatum affectibus, peculiaris quoq; favor & Gratia,
Perillustris, Clariissimi & Admodum Reverendi Domini,

D. M. PETRI PRACZLEWIC,

S. Th: Doctoris & Professoris, Ecclesiarum Collegiatarum, Pilecensis & S.
Floriani ad Cracoviam Decani, Contubernij Hierosolymitani Provisoris &c.
ad quem Rectoralis Majestas munere Superum devoluta, perpetuo fovit.
Tam generoso tramite, sentibus & spinis laborum circumsepto procedens,
in hac usq; Sacra Divinioribus animis Domo constitisti,
e qua hodie, à dulcibus,

Clarissimorum, Admodum Rñdorum, & Excellentissimorum DD.

Virorum amplexibus,
cum amaro cordolio raperis, an efferris.

Comitantur Te plangentes Mulæ.

Praeficarum modò funerea taxo densatæ;

Sacer Apollo sublime sibi cecidisse decus tacente chely indicans,
tristem Tuum sarcophagum frondibus cupreis intexit.

Nos Vniversi,

quibus, vel prostrata Tua submisio, vel pacific' amor, vel māsveta comitas
derelicta pectora miscet;

istud funebrali urnæ Tuæ luctuoso susurro insinuamus:
ut, qui, tristi offensione exagitatus, plaudente pectore superstes exprimebas:

VIVIT DOMINVS;

in tristi monumento depositus

VIVAS CVM DOMINO

IN AETERNUM.

XX. 7. 57

Biblioteka Jagiellońska



stdr0024077

